

Bosna i Hercegovina
Federacija Bosne i Hercegovine
Hercegovačko-neretvanski kanton
SKUPŠTINA
Broj: **02-01-054/20**
Mostar, 22.05.2020. godine

IZVOD IZ ZAPISNIKA
sa pete (V.) vanredne sjednice Skupštine
Hercegovačko-neretvanskog kantona

Sjednica je održana dana 22.05.2020. godine u sali Gradske vijećnice u Mostaru sa početkom rada u 14:00 sati.

Sjednicu je otvorio Šerif Špago, predsjedavajući Skupštine Hercegovačko-neretvanskog kantona.

Sekretar Skupštine, Željka Čule, obavila je prozivku.

Prisutni: Marija Bešker, Slavko Bilić, Marija Bošković, Selma Drljević, Stana Burić, Damir Džeba, Elvedin Grcić, Mejrima Hasić, Nevenko Herceg, Julineta Jurić, Vera Konjevod, Tomislav Martinović, Irma Memidžan, Ivan Odak, Andrea Pehar, Milica Pehar, Đuro Prkačin, Iva Raguž, Slaven Raguž, Amir Šelo, Šerif Špago, Edis Džino, Alisa Hajdarović, Ismet Lulić, Minela Krpo, Vesna Saradžić, Nermin Vrtić i Aner Žuljević.

Odsutni: Ajdin Teletović i Zora Dujmović.

Konstatovano je da je na sjednici prisutno **28** poslanika, te da postoji kvorum za rad i punovažno odlučivanje.

Prisutni po pozivu: predstavnici Vlade, predstavnici međunarodnih organizacija i predstavnici sredstava javnog informisanja.

Sjednica je javna, snimana je i snimci su sastavni dio ovog Izvoda iz zapisnika.

Predsjedavajući Skupštine obavijestio je poslanike da je u materijalima dostavljen prijedlog dnevnog reda koji je utvrdio Kolegij Skupštine.

Otvorena je rasprava po prijedlogu dnevnoga reda.

U raspravi su učestvovali: Šerif Špago, Slaven Raguž, Vesna Saradžić i Aner Žuljević.

Poslanik Slaven Raguž predložio je dopunu dnevnog reda da tačka 2. današnjeg dnevnog reda bude Odluka o okončanju školske godine na dan 27.05.2020. godine.

Poslanica Vesna Saradžić predložila je dopunu dnevnog reda sljedećim zaključkom:

„Zadužuje se kantonalna vodna inspekcija da izvrši inspekcijski nadzor i utvrdi stanje izvršavanja propisa kod pravnih i fizičkih lica vezano za predviđenu izgradnju hidroelektrana na Neretvici u cilju sprječavanja i otklanjanja nezakonitosti i mogućih posljedica po zdravlje stanovništva i biljni i životinjski svijet sliva rijeke Neretvice, posebno zaštićenih vrsta, bjelonogi rak i riba pijurica. Također preporučuje se Opštinskom vijeću Konjic da revidira proceduru svih izdatih dozvola i provede javnu raspravu u skladu sa zakonom“.

Poslanik Aner Žuljević predložio je dopunu dnevnog reda sljedećim zaključkom:

„Izvršiti konsultacije sa mandatarom da se utvrde činjenice da li postoji mogućnost da se sastavi nova izvršna vlast, ukoliko ne postoji, mandat se mora vratiti i ponuditi nekoj drugoj osobi koja ima kapacitet da izvrši te konzultacije.“

Usljediła je **pauza** od 10 minuta kako bi se Kolegij iskonsultovao oko prijedloga za dopunu dnevnog reda.

Predsjedavajući Skupštine HNK Šerif Špago izvjestio je zastupnike da je Kolegij razmotrio prijedloge vezano za dopune dnevnog reda, te da je zauzeo stav da će predložiti Skupštini da se predloženi dnevni red od strane Kolegija ne mijenja.

Usljediło je glasanje po pitanju prijedloga dopuna dnevnog reda.

Obavljeno je glasanje po prijedlogu zastupnika Slavena Raguža, da tačka 2. današnjeg dnevnog reda bude Odluka o okončanju školske godine na dan 27.05.2020. godine.

Većinom glasova „Protiv“, i 8 glasova „Za“, prijedlog nije dobio potrebnu većinu.

Obavljeno je glasanje po prijedlogu zastupnice Vesne Saradžić da se u dnevni red uvrsti slijedeći prijedlog zaključka: „Zadužuje se kantonalna vodna inspekcija da izvrši inspeksijski nadzor i utvrdi stanje izvršavanja propisa kod pravnih i fizičkih lica vezano za predviđenu izgradnju hidroelektrana na Neretvici u cilju sprječavanja i otklanjanja nezakonitosti i mogućih posljedica po zdravlje stanovništva i biljni i životinjski svijet sliva rijeke Neretvice, posebno zaštićenih vrsta, bjelonogi rak i riba pijurica. Također preporučuje se Opštinskom vijeću Konjic da revidira proceduru svih izdatih dozvola i provede javnu raspravu u skladu sa zakonom“.

Većinom glasova „Protiv“, i 13 glasova „Za“, prijedlog zaključka nije dobio potrebnu većinu.

O prijedlogu zaključka zastupnika Anera Žuljevića nije se glasalo jer je prethodno Kolegij Skupštine HNK primio k znanju navedeni prijedlog zaključka.

Vlada HNK predložila je da se tačka 3. Prijedlog Zakona o izmjenama Zakona o administrativnim taksama sa tarifom administrativnih taksi HNK, donese po skraćenom postupku.

Obavljeno je glasanje po ovom prijedlogu.

Nakon glasanja konstatovano je da prijedlog Vlade jednoglasno usvojen.

Vlada HNK predložila je da se tačka 4. Prijedlog Zakona o ublažavanju negativnih ekonomskih posljedica izazvanih epidemijom korona virusa (COVID-19) i podršci ekonomiji na području HNK, donese po hitnom postupku.

Obavljeno je glasanje po ovom prijedlogu.

Nakon glasanja konstatovano je da prijedlog Vlade jednoglasno usvojen.

Obavljeno je glasanje po prijedlogu dnevnoga reda:

1. a) Odluka o prestanku mandata poslanika u Skupštini HNK;
b) Odluka o verifikaciji mandata poslanika u Skupštinu HNK;
2. Prijedlog Zakona o izmjenama i dopunama Zakona o socijalnoj zaštiti;
3. Prijedlog Zakona o izmjenama Zakona o administrativnim taksama sa tarifom administrativnih taksi HNK (po skraćenom postupku);
4. Prijedlog Zakona o ublažavanju negativnih ekonomskih posljedica izazvanih epidemijom korona virusa (COVID-19) i podršci ekonomiji na području HNK (po hitnom postupku);
5. Prijedlog Odluke o izmjeni Odluke o kreditnom zaduženju HNK.

Većinom glasova „Za“, uz 1 glas „Protiv“, i 3 „Suzdržana“ glasa, usvojen je dnevni red pete vanredne sjednice Skupštine HNK.

Usvojeni dnevni red:

1. a) Odluka o prestanku mandata poslanika u Skupštini HNK;
b) Odluka o verifikaciji mandata poslanika u Skupštinu HNK;
2. Prijedlog Zakona o izmjenama i dopunama Zakona o socijalnoj zaštiti;
3. Prijedlog Zakona o izmjenama Zakona o administrativnim taksama sa tarifom administrativnih taksi HNK (po skraćenom postupku);
4. Prijedlog Zakona o ublažavanju negativnih ekonomskih posljedica izazvanih epidemijom korona virusa (COVID-19) i podrški ekonomiji na području HNK (po hitnom postupku);
5. Prijedlog Odluke o izmjeni Odluke o kreditnom zaduženju HNK.

AD 1. a) Odluka o prestanku mandata poslanika u Skupštini HNK

Predsjedavajući Skupštine HNK Šerif Špago pročitao je prijedlog odluke:

Na osnovu člana 39 Ustava HNK, odluke Centralne izborne komisije broj 06-1-07-1-56/20 od 05.03.2020. godine, te člana 79, 86 i 94 Poslovnika Skupštine HNK, Skupština HNK na sjednici održanoj dana 22.05.2020. godine donijela je odluku o prestanku mandata poslanika u Skupštini HNK.

Član 1, Memić Kenanu, poslaniku u Skupštini HNK izabranom na Općim izborima 2018. godine sa liste političkog subjekta SBB Fahrudin Radončić utvrđuje se prestanak mandata sa danom 22.05.2020. godine.

Član 2, Ova odluka stupa na snagu danom donošenja a objavit će se u Službenim novinama HNK.

Otvorena je rasprava.

U raspravi nije nitko nije učestvovao.

Obavljeno je glasanje po prijedlogu odluke.

Nakon glasanja konstatovano je da prijedlog odluke jednoglasno usvojen.

b) Odluka o verifikaciji mandata poslanika u Skupštinu HNK

Predsjedavajući Skupštine HNK Šerif Špago pročitao je prijedlog odluke:

Na osnovu člana 39 Ustava HNK, odluke Centralne izborne komisije BiH broj 06-07-1-56/ od 25.03.2020. godine te člana 79, 86 i 94 Poslovnika Skupštine HNK, Skupština HNK na sjednici održanoj 22.05.2020. godine donijela je odluku o verifikaciji mandata poslanika u Skupštini HNK.

Član 1, Verifikuje se mandat sljedećim poslaniku/poslanici u Skupštini HNK i to: Krpo Mineli SBB Fahrudin Radončić.

Član 2, Ova odluka stupa na snagu danom donošenja a objavit će se u Službenim novinama HNK.

Otvorena je rasprava.

U raspravi nije nitko nije učestvovao.

Obavljeno je glasanje po prijedlogu odluke.

Nakon glasanja konstatovano je da prijedlog odluke jednoglasno usvojen.

Šerif Špago pozvao je uvaženu poslanicu Minelu Krpo da pročita i potpiše svečanu izjavu i s tim stiče pravo na ravnopravan rad u Skupštini.

Minela Krpo

„Ja, Krpo Minela, obavezujem se da ću odgovorno i etično obavljati povjerenu mi dužnost poslanika u Skupštini, djelujući u najboljem javnom interesu i štiteći ga, obavezujem se da ću poštivati Ustav BiH, F BiH i HNK, obavezujem se da ću u poslaničkom radu poštivati zakone, štiti i promovisati ljudska prava i građanske slobode svih naroda i građana kantona.“

AD 2. Prijedlog Zakona o izmjenama i dopunama Zakona o socijalnoj zaštiti

Obrazloženje su dali Goran Opsenica, ministar zdravstva, rada i socijalne zaštite u HNK i Janja Milinković, pomoćnica ministra zdravstva, rada i socijalne zaštite u HNK.

Ispred Komisije za zakonodavno-pravna pitanja obrazloženje je dao Tomislav Martinović, predsjedavajući iste Komisije.

Tomislav Martinović je naveo slijedeće mišljenje Zakonodavno-pravne komisije na ovaj zakon:

1. Postoji ustavni osnov za donošenje Zakona o izmjenama i dopunama Zakona o socijalnoj zaštiti.

2. U članu 1. i članu 8. pojam „ari“ zamjeniti pojmom koje izražava jedinicu mjere koja je u svakodnevnom pravnom prometu.

3. U članku 83. (e) riječi „federalni propis“ zamjeniti sa riječima „federalni zakon“.

4. Komisija je mišljenja da zbog većeg broja izmjena i dopuna ovog zakona potrebno je sačiniti cjeloviti tekst koji će obuhvatiti sve dosadašnje izmjene i dopune.

Ispred komisije za zdravstvo, rad i socijalnu zaštitu, mišljenje je dala poslanica Irma Memidžan.

Poslanica Irma Memidžan navela je Zaključak komisije za zdravstvo, rad, socijalnu politiku, izbjegle i raseljene osobe:

Komisija je mišljenja da gore navedeni zakon o izmjenama i dopunama zakona o socijalnoj zaštiti je prošao potrebnu zakonsku proceduru te se kao takav predlaže skupštini na usvajanje.

Otvorena je rasprava.

U raspravi su učestvovali: Milica Pehar, Slaven Raguž, Aner Žuljević, Alisa Hajdarović, Janja Milinković, ministar Opsenica i Šerif Špago.

Zastupnica Milica Pehar uložila je slijedeće amandmane:

Amandman 1:

Amandman na članak 41a, predlaže da se u stavku 1 i 3 navedenog članka riječ „maloljetnoj“ zamijeni riječju „nezbrinutoj“.

Amandman 2:

Amandman na članak broj 9, predlaže da se u navedenom članku riječi „centar za maloljetne trudnice“ zamijene sa riječima „centar za majku i dijete“.

Predsjedavajući Skupštine HNK Šerif Špago predložio je da se nastavi rasprava po slijedećim tačkama dnevnog reda, kako bi se Vlada HNK mogla izjasniti o uložnim amandmanima.

AD 3. Prijedlog Zakona o izmjenama Zakona o administrativnim taksama sa tarifom administrativnih taksi HNK (po skraćenom postupku)

Obrazloženje je dao Željko Laketić, ministar privrede u Vladi HNK.

Ispred Komisije za zakonodavno-pravna pitanja obrazloženje je dao Tomislav Martinović, predsjedavajući iste Komisije.

Tomislav Martinović je naveo slijedeće mišljenje Zakonodavno-pravne komisije na ovaj zakon:

1. Postoji ustavni osnov za donošenje Zakona o izmjenama Zakona o administrativnim taksama s tarifom administrativnih taksi HNK.

2. U članu 3. stav 1 tački 1. 2. i 3. iza riječi “izdavanje” dodati riječi “akta o odobravanju” čime bi odredba člana 3. bila jasna i precizirana.

3. Na preostali dio teksta komisija nije imala primjedbi.

Otvorena je rasprava.

U raspravi nije nitko učestvovao.

Predsjedavajući Skupštine HNK Šerif Špago predložio je da se nastavi rasprava po slijedećim tačkama dnevnog reda, kako bi se Vlada HNK mogla izjasniti o ulozenim amandmanima.

AD 4. Prijedlog Zakona o ublažavanju negativnih ekonomskih posljedica izazvanih epidemijom korona virusa (COVID-19) i podrški ekonomiji na području HNK (po hitnom postupku)

Obrazloženje je dao Nevenko Herceg, predsjednik Vlade HNK.

Ispred Komisije za zakonodavno-pravna pitanja obrazloženje je dao Tomislav Martinović, predsjedavajući iste Komisije.

Tomislav Martinović je naveo slijedeće mišljenje Zakonodavno-pravne komisije na ovaj zakon:

1. Postoji ustavni osnov za donošenje Zakona o ublažavanju negativnih ekonomskih posljedica izazvanih epidemijom korona virusa (COVID-19) i podrški ekonomiji na području HNK .

2. Pojam poslovni subjekat iz člana 2.zakona je nejasan i može izazvati različita tumačenja u primjeni.

Pojam poslovni subjekat potrebno je preciznije definirati u smislu poslovnog subjekta na kojeg će se odnositi odredbe ovog zakona.

3. Odredba cjelokupnog člana 9. je nejasna i neprecizna, te može izazvati probleme u primjeni.

Komisija predlaže da se odredba jasno i precizno definiše ili da se briše iz zakona.

4. U članu 18 stav.4 “iza broja 12” dodati ”broj 13”.

Otvorena je rasprava.

U raspravi su učestvovali: Amir Šelo, Šerif Špago, Ivan Odak, Slaven Raguž, Đuro Prkačin, Aner Žuljević, Nevenko Herceg, Vesna Saradžić, Stana Burić, Marija Bešker, Alisa Hajdarović, Elvedin Grcić, Nermin Vrtić, Ismet Lulić i Tomislav Martinović.

Zastupnik Ivan Odak uložio je slijedeći amandman:

Amandman 1:

Amandman na član 3. subvencioniranje najniže neto plaće, stavak 3, na kraju predloženog teksta iza riječi „Covid 19“ dodaje se, „pravo na subvencioniranje i na pomoć imaju i poslovni subjekti koji se bave medijskom djelatnošću, a čije je poslovanje ugroženo

značajnim smanjenjem prihoda od marketinga i prodaje, a sve zbog posljedica pandemije Covid 19“.

Zastupnik Ivan Odak predložio je Zaključak na Prijedlog Zakona o ublažavanju negativnih ekonomskih posljedica izazvanih epidemijom korona virusa (COVID-19) i podrški ekonomiji na području HNK:

Zaključak:

„Skupština nalaže Vladi HNŽ da na službenoj web stranici objavi sve gospodarske subjekte koji temeljem odredbi korona zakona podnesu zahtjev za financijsku potporu“.

„Nalaže se Vladi da nakon svih provedenih procedura objavi popis gospodarskih subjekata sa ukupnim iznosom novčanih potpora koje su temeljem ovog zakona dobili iz proračuna HNŽ“.

Zastupnik Slaven Raguž uložio je slijedeće amandmane:

Amandman 1:

U članu 1 iza teksta „po svakom zaposlenom“ dodaje se tekst „isplata novčane pomoći u iznosu najniže neto plaće osobama koje su slijedom negativnih ekonomskih posljedica izazvanih epidemijom korona virusom ostale bez uposlenja u periodu proglašenog stanja prirodne nesreće“.

Amandman 2:

U članu 1 iza riječi „subvencioniranje“ briše se „određenog“ te iza teksta „najniže neto plaće“ dodaje se tekst „sukladno propisima F BiH“.

U članu 3 u stavku 1 iza teksta „po stavom uposlenom“ dodaje se „i po svakoj osobi koja je ostala bez posla za vrijeme trajanja stanja prirodne nesreće“.

Amandman 3:

U članu 3 stava 2 briše se tekst „kojima je zapovijedima stožera Civilne zaštite zabranjen rad u cijelosti zbog posljedica uzrokovanih pandemijom Covid 19“ te se iza „poslovni subjekti“ dodaje tekst „sa sjedištem ili poslovnom jedinicom u HNK koji su ostvarili pravo na subvenciju sukladno člankom 4 i Zakonom o ublažavanju negativnih ekonomskih posljedica F BiH“.

Amandman 4:

U članu 3 briše se „zabrane rada“ te se iza „broj prijavljenih radnika“ dodaje tekst „tijekom proglašenja stanja prirodne nesreće izuzev otkaza po isteku ugovora o radu“.

Amandman 5:

Usvajanjem ovih izmjena u stavu 1 stav broj 6 bi se u potpunosti trebao brisati.

Amandman 6:

U članu 8 zakona u tekstu ispred „pravne i fizičke osobe“ dodaje se „sve“. Također briše se „kojima je osnovna djelatnost turizam i ugostiteljstvo“, te se umjesto toga stavlja „koji imaju sjedište ili poslovnu jedinicu u HNK“.

Amandman 7:

U članu 8 zakona stava 2 briše se tekst „u razdoblju od 90 dana od stupanja na snagu ovog zakona“ te se iza HNŽ/K dodaje tekst „do kraja 2020. Godine“.

Amandman 8:

U članu broj 10 se briše 20% te se umjesto toga stavlja 100%.

Amandman 9:

U članu 11 briše se „za mjesec maj i juni“ te se umjesto toga stavlja „do kraja 2020. godine“.

Amandman 10:

U članu 15 dodaje se stav 6 koji glasi „sukladno zakonu o proračunima javno će se objaviti mjerljivi kriteriji na osnovu kojih je fond isplaćivao sredstva, kome su isplaćivana, iznosi, kao i imena subjekata kojima su subvencije odbijene, zajedno s razlozima odbijanja“.

Amandman 11:

U članu 17 na kraju se dodaje rečenica „sva izvješća će biti javno objavljena na stranicama Vlade HNK“.

Zastupnik Đuro Prkačin uložio je slijedeće amandmane:

Amandman 1:

Amandman na član 3 stav 4 gdje bi iza riječi „s februarom 2020. godine“ dodao „za sve zadržane prijavljene radnike za vrijeme zabrane rada“.

Amandman 2:

Član 15 stav 5 se mijenja i glasi: Vlada HNK-a je, ne dužna, nego obvezna Skupštini HNŽ-a u roku od 3 mjeseca od stupanja na snagu ovoga zakona dostaviti izvješće o upravljanju fondom.

Klub SDP BIH u Skupštini HNK je uložio slijedeće amandmane:

Amandman 1:

Član 2. Stav 2 se briše.

Amandman 2:

Član 3. mijenja se i glasi: (Subvencioniranje najniže neto plaće i pomoć dugoročno nezaposlenim).

(1) Subvencioniranje najniže neto plate na nivou Federacije Bosne i Hercegovine po svakom zaposlenom vrši se u skladu odredbama ovog Zakona iz sredstava Budžeta Hercegovačko-neretvanskog kantona.

(2) Pravo na subvencioniranje iz stava 1 imaju svi poslovni subjekti, udruženja, te fizička lica koja samostalno obavljaju registrovanu poslovnu djelatnost i plaćaju poreze u skladu sa zakonima, a kojima je naredbama štaba civilne zaštite zabranjen rad u cijelosti zbog posljedica uzrokovanih epidemijom COVID-19.

(3) Pravno na subvencioniranje iz stava 1 imaju i svi poslovni subjekti kojima je osnovna djelatnost turizam i ugostiteljstvo, koju obavljaju u skladu sa Zakonom o turističkoj djelatnosti HNK, kojima je djelimično zabranjen rad klasifikacija 55, zbog posljedica uzrokovanih epidemijom COVID-19.

(4) Pravo na subvencioniranje iz stava 1 imaju svi poslovni subjekti uz uslov da su izmirili obaveze za doprinose i poreze na dohodak uz isplaćene plaće zaključno s januarom 2020. godine, i da je zadržan broj prijavljenih radnika za vrijeme zabrane rada.

(5) Vrijeme trajanja subvencioniranja najniže neto plate, u skladu s odredbama ovoga Zakona, je od dana zabrane odnosno djelimične zabrane rada, pa do dana prestanka zabrane odnosno djelimične zabrane rada za djelatnosti. Mjera se može izuzetno produžiti i za dodatna tri mjeseca za djelatnosti koje zbog objektivnih tržišnih okolnosti uslijed posljedica pandemije imaju pad prihoda veći od 50% u odnosu na isti mjesec 2019. godine.

(6) Kao jednokratna mjera pomoći dugotrajno nezaposlenim radnicima uredno prijavljenim na Zavodu za zapošljavanje HNK isplaćuje se jednokratna novčana naknada od robe 200 KM ukoliko ne primaju naknadu za nezaposlenost po drugom osnovu.

Amandman 3:

Član 5. (Subvencije kamata na kreditne plasmane privredi) se mijenja i glasi:

Sredstva izdvojena po ovom Zakonu mogu se koristiti na način subvencionisanja kamata za korisnike kredite. Vlada HNK će napraviti aranžaman s Razvojnou bankom Federacije BiH ili sa nekom drugom bankom uz uslove da se namjena konkretnih kredita odnosi na reprogram postojećih kredita, nabavku zaliha robe, opreme, sirovine i repromaterijala , isplata bruto plaća radnicima za period s početkom „Prirodne nesreće“ proglašene na nivou Bosne i Hercegovine; isplata drugih obaveza po osnovu direktnih i/ili indirektnih poreza.

Izbor banke u postupku pravljenja aranžmana Vlade bit će izvršen na osnovu kriterija ponuđenih povoljnijih uslova za korisnika kredita kada je u pitanju kamata i ročnost, te opredjeljenja banke za vlastito sudjelovanje u povećanoj raspoloživosti finansijskih sredstava u smislu kreditiranja.

Amandman 4.

Član 6. (Oslobađanje plaćanja dijela tekuće (godišnje) koncesione naknade) se mijenja i glasi:

(1) Koncesionari koji na dan stupanja na snagu ovog Zakona imaju sklopljen ugovor o koncesiji u kojima je Vlada Hercegovačko-neretvanskog kantona koncesor, oslobađaju se plaćanja dijela tekuće (godišnje) koncesione naknade za korištenje predmeta koncesije.

(2) Oslobađanje plaćanja naknade iz stava 1 ovog člana vrši se za 2020. godinu u visini od 50% naknade koja čini prihod Budžeta HNK, odnosno 45% ukupno propisane naknade, uz uslov da su izmirene sve obaveze po koncesionim naknadama iz prethodne godine.

(3) Izuzetno od stava 1 i 2 ovog člana, koncesionari u oblasti turizma koji na dan stupanja na snagu ovog Zakona imaju sklopljen ugovor oslobađaju se plaćanja u cijelosti koncesione naknade na godišnjem nivou i to dijela koji pripada Kantonu, uz uslov da su izmirene obaveze po koncesionim naknadama iz prethodne godine.

Amandman 5:

Član 11. (Umanjenje plata) se mijenja i glasi:

Osnovica za izračun plata izabranih dužnosnika, nosilaca izvršnih funkcija HNK te njihovih savjetnika u HNK, kao i imenovanih i odgovornih lica u vanbudžetskim fondovima, imanjuje se u iznosi 20% do kraja 2020. godine.

Amandman 6:

Član 14. (Održavanje stabilnosti Budžeta) se briše.

Amandman 7:

Član 15. (Uspostava Stabilizacijskog fonda) se mijenja i glasi:

(1) Ovim Zakonom uspostavlja se Stabilizacijski fond u okviru Budžeta HNK.

(2) Sredstva Fonda za potrebe planiraju se na posebnom podračunu u okviru Jedinstvenog računa trezora Kantona, te u Budžetu u okviru razdjela 16, Ministarstvo finansija, i koristit će se prioritarno za realizaciju mjera iz člana 3. i 4. ovog Zakona.

(3) Upravljanjem Fondom vrši Vlada HNK.

(4) Vlada HNK donosi konačnu odluku o listi korisnika sredstava iz članova 3. i 4. te istu objavljuje javnosti putem svoje zvanične web stranice.

(5) Vlada HNK je dužna mjesečno Skupštini HNK dostavljati izvještaj o upravljanju Fondom koji uključuje svaku pojedinačnu isplatu izvršenu po osnovu predmetnog zakona.

Amandman 8:

Član 16. (Izvori sredstava) stav 3 se briše.

Amandman 9:

Iza člana 17. prijedloga Zakona dodaje se novi član 18 koji glasi:

Član 18.

(Imovinski karton vlasnika poslovnih subjekata)

(1) Vlasnici subjekata podnositelja zahtjeva za mjere iz ovog zakona dužni su ispuniti imovinski karton prilikom podnošenja zahtjeva.

(2) U imovinski karton se unose osnovni lični podaci, te podaci o pokretnoj i nepokretnoj imovini u vlasništvu vlasnika subjekta iz stava 1 ovog člana i punoljetnih članova domaćinstava, uključujući podatke o vlasništvu nad nekretninama, mjesečnim primanjima, ušteđevini, vlasničkom udjelu u drugim privrednim subjektima i sve druge relevantne podatke o imovini u vrijednosti većoj od 20.000,00 KM.

(3) Kantonalno ministarstvo finansija nadležni će u roku 7 dana od stupanja na snagu ovog zakona propisati cjelovit izgled i sadržaj imovinskog kartona iz stava 1 ovog člana.

(4) Kantonalno ministarstvo finansija nadležno je za vršenje nadzora i provjere istinosti podatak unesenih u imovinski karton iz stav 1 ovog člana.

(5) Cjeloviti podaci iz imovinskih kartona podnositelja zahtjeva za mjere iz ovog zakona kojim predmetna sredstva budu odobrena će bit javno dostupni i objavljeni putem službene internet stranice Vlade HNK u roku dva dana od dana odobrenja sredstava.

(6) Zbog javnog interesa koji se utvrđuje ovim zakonom registar imovinskih kartona u skladu sa stavom 5 ovog Zakona će biti trajno dostupan na internet stranici Vlade Federacije Bosne i Hercegovine naredne četiri godine, nakon čega može biti uklonjen.

Preostali članovi zakona mijenjaju numeraciju u skladu sa navedenim.

Zastupnica Stana Burić uložila je slijedeći amandman:

Amandman 1:

Popravlak člana 3. stav 3. iza riječi „rad“ briše se tekst „klasifikacija 55“.

Zastupnica Marija Bešker uložila je slijedeći amandman:

Amandman 1:

U članu 3 dodati stav 7 koji glasi.

„Isplatiti jednokratnu novčanu pomoć u iznosu od 250,00 KM za člana obitelji koji nema primanja iz Zavoda za zapošljavanje, ili 500,00 KM ako su u obitelji ostali bez prihoda oba člana obitelji za vrijeme oandemije korona virusa“.

Zastupnica Alisa Hajdarović uložila je slijedeći amandman:

Amandman 1:

U članu 3. (Subvencioniranje najniže neto plate dodaje se stav 3 koji glasi:

(3) Pravo na subvencionisanje iz stava 1 imaju i Javne predškolske ustanove kojima je osnivač jedinica lokalne samouprave.

Time stav 3, 4, 5 i 6 postaju stav 4,5, 6 i 7.

Zastupnik Elvedin Grcić uložio je slijedeće amandmane:

Amandman 1:

Ispravka člana 18, stav 4, jer imamo institucije kod kojih je naknada za uprave, za članove upravnog i nadzornog odbora definisana odlukom Vlade i promjenu te visine naknade isključivo može donijeti Vlada. Tako da bi se u ovom stavu 4, člana 18, trebalo naći i ova izmjena, da se pobroji, da stoji znači „Vlada HNK-a će u roku od 8 dana od dana stupanja na snagu ovog zakona donijeti provedbene akte iz člana 10, 11, 12 i 13 ovog zakona“.

Amandman 2:

Na član 8. (oslobađanja boravišne takse i članarine TZ)

Boravišna taksa se naplaćuje od korisnika usluge pa se postavlja pitanje da li će turisti plaćati boravišnu taksu, a subjekti je zadržavati za sebe ili je neće plaćati.

Ako se u ovom periodu naplaćivala taksa onda pravna i fizička lica obveznici plaćanja nisu oslobodeni plaćanja boravišne takse odnosno član 8. se briše.

Zastupnik Ismet Lulić uložio je slijedeći amandman:

Amandman 1:

Naziv Zakona se mijenja i glasi:

Zakon o ublažavanju negativnih ekonomskih posljedica izazvanih epidemijom koronavirusa (COVID 19) i podrški ekonomiji onima kojima je civilna zaštita zabranila rad, na području Hercegovačko-neretvanskog kantona.

Klub HDZ 1990 u Skupštini HNK je uložio slijedeći amandman:

Amandman 1:

U članu 3. (Subvencionisanje najniže neto plate), stav 3. na kraju predloženog teksta iza riječi COVID 19 dodaje se, „ Pravo na subvencionisanje i na pomoć imaju i poslovni subjekti koji se bave medijskom djelatnošću, a čije je poslovanje ugroženo značajnim smanjenjem prihoda od marketinga i prodaje, a sve zbog posljedica pandemije COVID 19.

Zamjenik predsjedavajućeg Skupštine HNK Tomislav Martinović predložio je slijedeći zaključak:

1. Skupština HNK izražava zahvalnost svima koji su bili uključeni u borbu protiv pandemije koju je izazvao Corona virus Covid 19.

2. Posebnu zahvalu za predanost i hrabrost upućujemo liječnicima i svom medicinskom osoblju u bolnicama i domovima zdravlja u ovoj županiji, policiji i osoblju MUP-a HNK, osoblju Civilne zaštite i osoblju Crvenog krsta.

3. Također se zahvaljujemo medijima koji su osigurali pravodobne informacije, vozačima transporta, trgovcima i ljekarnicima, koji su osigurali opskrbu hranom i lijekovima te osoblju komunalnih i vodovodnih poduzeća.

4. Skupština se na poseban način zahvaljuje svim stanovnicima HNK-a koji su strpljivošću i poštivanjem epidemioloških mjera dali svoj doprinos zaustavljanju ove pandemije.

Predsjedavajući je predložio da se nastavi rasprava po slijedećoj tački, dok se Vlada ne izjasni o amandmanima.

AD 5. Prijedlog Odluke o izmjeni Odluke o kreditnom zaduženju HNK

Obrazloženje je dao Adnan Faladžić, ministar finansija u Vladi HNK.

Otvorena je rasprava.

U raspravi su učestvovali: Slavko Bilić, ministar Faladžić i Šerif Špago.

Obavljeno je glasanje po Prijedlogu Odluke o izmjeni Odluke o kreditnom zaduženju HNK.

Nakon glasovanja konstatovano je da je jednoglasno usvojen Prijedlog Odluke o izmjeni Odluke o kreditnom zaduženju HNK.

Uslijedila je **pauza** od 45 minuta, kako bi se Vlada konzultirala i izjasnila oko uložених amandmana na prethodno tri navedena Zakona koja se nalaze na dnevnom redu današnje sjednice Skupštine HNK.

1. Prijedlog Zakona o izmjenama i dopunama Zakona o socijalnoj zaštiti

Vlada HNK prihvatila je amandman Zakonodavno-pravne komisije na ovaj prijedlog Zakona, i to:

1. U članu 1. i članu 8. pojam „ari“ zamjeniti pojmom koje izražava jedinicu mjere koja je u svakodnevnom pravnom prometu.

2. U članku 83. (e) riječi „federalni propis“ zamjeniti sa riječima „federalni zakon“.

Vlada HNK prihvatila je dva amandmana zastupnice Milice Pehar na ovaj Prijedlog Zakona i to:

Amandman 1:

Amandman na članak 41a, predlaže da se u stavku 1 i 3 navedenog članka riječ „maloljetnoj“ zamijeni riječju „nezbrinutoj“.

Amandman 2:

Amandman na članak broj 9, predlaže da se u navedenom članku riječi „centar za maloljetne trudnice“ zamijene sa riječima „centar za majku i dijete“.

Obavljeno je glasanje o Prijedlogu Zakona o izmjenama i dopunama Zakona o socijalnoj zaštiti.

Nakon glasanja konstatovano je da je **Prijedlog Zakona o izmjenama i dopunama Zakona o socijalnoj zaštiti** jednoglasno usvojen.

Skupština HNK je usvojila Zaključak:

„Zadužuje se Ministarstvo zdravstva, rada i socijalne zaštite HNK i Vlada HNK da izrade novi Zakon o socijalnoj zaštiti u roku od 12 mjeseci“.

2. Prijedlog Zakona o izmjenama Zakona o administrativnim taksama sa tarifom administrativnih taksi HNK (po skraćenom postupku)

Vlada HNK prihvatila je amandman Zakonodavno-pravne komisije na ovaj prijedlog Zakona, i to:

1. U članu 3. stav 1 tački 1. 2. i 3. iza riječi “izdavanje” dodati riječi “akta o dodjeli” čime bi odredba člana 3. bila jasna i precizirana.

Obavljeno je glasanje o Prijedlogu Zakona o izmjenama zakona o administrativnim taksama sa tarifom administrativnih taksi HNK-a.

Nakon glasanja konstatovano je da je **Prijedlog Zakona o izmjenama Zakona o administrativnim taksama sa tarifom administrativnih taksi HNK (po skraćenom postupku)** jednoglasno usvojen.

3. Prijedlog Zakona o ublažavanju negativnih ekonomskih posljedica izazvanih epidemijom korona virusa (COVID-19) i podrški ekonomiji na području HNK (po hitnom postupku)

Vlada HNK je **djelimično** prihvatila amandmane **Zakonodavno-pravne komisije** na ovaj prijedlog Zakona tako da u Zakonu navedeni članovi glase:

Član 2. stav (1), „Odredbe ovog zakona odnose se na sve poslovne subjekte koji ispunjavaju uvjete propisane ovim zakonom, što će se definirati javnim pozivom“.

Član 9. stav (1), „Poslovni subjekti oslobađaju se obaveza plaćanja upravnih pristojbi kod organa uprave i pravnih osoba koje imaju javne ovlasti na području županije“.

Član 9. stav (2) „Poslovni subjekti“ oslobađaju se obaveza plaćanja sudske takse za prijavu upisa privrednog društva u sudski registar, za riješenje o upisu ovlaštene osobe za

zastupanje privrednog društva u sudski registar, za prijedlog da se otvori postupak strečaja ili likvidacije i prijavu povjerilaca u postupku stečaja ili likvidacije. “

Član 9. stav (3) ostaje.

U članu 18 stav (3), na kraju rečenice dodaje se „Oslobađanje iz člana 8 i 9 ovog zakona“.

U članu 18, stavu (4), iza broja „12“ dodati i broj „13“.

Vlada HNK nije prihvatila **amandman** zastupnika **Ismeta Lulića** na ovaj prijedlog Zakona.

Vlada HNK nije prihvatila **amandman** zastupnice **Alise Hajdarović** na ovaj prijedlog Zakona.

Vlada HNK nije prihvatila **amandman Kluba HDZ 1990** na ovaj prijedlog Zakona.

Vlada HNK je djelimično prihvatila **amandman** zastupnice **Stane Burić** da se u članu 3. stav (3) iza riječi „klasifikacija 55“ dodaju i riječi „79“.

Vlada HNK je prihvatila **amandman 1** zastupnika **Elvedina Grcića** na ovaj prijedlog Zakona:

Amandman 1:

Ispravka člana 18, stav (4): „Vlada HNK-a će u roku od 8 dana od dana stupanja na snagu ovog zakona donijeti provedbene akte iz člana 10, 11, 12 i 13 ovog zakona“.

Vlada HNK nije prihvatila **amandman 2** zastupnika **Elvedina Grcića** na ovaj prijedlog Zakona.

Vlada HNK nije prihvatila **amandman** zastupnice **Marije Bešker** na ovaj prijedlog Zakona.

Vlada HNK nije prihvatila **amandman 1** zastupnika **Đure Prkačina** na ovaj prijedlog Zakona.

Vlada HNK je prihvatila **amandman 2** zastupnika **Đure Prkačina** na ovaj prijedlog Zakona:

Amandman 2:

Član 15 stav (5) se mijenja i glasi: „Vlada HNK-a je obvezna Skupštini HNŽ-a u roku od 3 mjeseca od stupanja na snagu ovoga zakona dostaviti izvješće o upravljanju fondom“.

Vlada HNK nije prihvatila **amandmane 1, 2, 3, 4, 5, 6, 7, 8, 9 i 10.** zastupnika **Slavena Raguža** na ovaj prijedlog Zakona.

Vlada HNK prihvatila je **amandman 11** zastupnika **Slavena Raguža** na ovaj prijedlog Zakona:

Amandman 11:

U članu 17 na kraju se dodaje rečenica „Sva izvješća će biti javno objavljena na stranicama Vlade HNK“.

Vlada HNK nije prihvatila **amandmane 1, 2, 5, 6, 7, 8 i 9.** Kluba **SDP BIH** na ovaj prijedlog Zakona.

Vlada HNK je djelimično prihvatila **amandman 3 Kluba SDP BIH** na ovaj prijedlog Zakona:

Amandman 3:

Prihvća se amandman 3 na članak 5, pod uvjetom da u stavku 1 „nabavka zaliha robe i opreme“ bude „robe i opreme“.

Vlada HNK prihvatila je **amandman 4 Kluba SDP BIH** na ovaj prijedlog Zakona:

Amandman 4.

Član 6. (Oslobađanje plaćanja dijela tekuće (godišnje) koncesione naknade) se mijenja i glasi:

(1) Koncesionari koji na dan stupanja na snagu ovog Zakona imaju sklopljen ugovor o koncesiji u kojima je Vlada Hercegovačko-neretvanskog kantona koncesor, oslobađaju se plaćanja dijela tekuće (godišnje) koncesione naknade za korištenje predmeta koncesije.

(2) Oslobađanje plaćanja naknade iz stava 1 ovog člana vrši se za 2020. godinu u visini od 50% naknade koja čini prihod Budžeta HNK, odnosno 45% ukupno propisane naknade, uz uslov da su izmirene sve obaveze po koncesionim naknadama iz prethodne godine.

(3) Izuzetno od stava 1 i 2 ovog člana, koncesionari u oblasti turizma koji na dan stupanja na snagu ovog Zakona imaju sklopljen ugovor oslobađaju se plaćanja u cijelosti koncesione naknade na godišnjem nivou i to dijela koji pripada Kantonu, uz uslov da su izmirene obaveze po koncesionim naknadama iz prethodne godine.

Usljedilo je glasanje o amandmanima na „Prijedlog Zakona o ublažavanju negativnih ekonomskih posljedica izazvanih epidemijom korona virusa (COVID-19) i podrški ekonomiji na području HNK“:

Zastupnik Đuro Prkačin zatražio je glasanje o uloženom amandmanu 1 na isti Zakon.

Amandman 1:

Amandman na član 3 stav 4 gdje bi iza riječi „s februarom 2020. godine“ dodao „za sve zadržane prijavljene radnike za vrijeme zabrane rada“.

Obavljeno je glasanje.

Većinom glasova „Protiv“, i 12 glasova „Za“, amandman nije dobio potrebnu većinu.

Zastupnica Marija Bešker zatražila je glasanje o uloženom amandmanu na isti Zakon.

Amandman 1:

U članu 3 dodati stav 7 koji glasi.

„Isplatiti jednokratnu novčanu pomoć u iznosu od 250,00 KM za člana obitelji koji nema primanja iz Zavoda za zapošljavanje, ili 500,00 KM ako su u obitelji ostali bez prihoda oba člana obitelji za vrijeme pandemije korona virusa“.

Obavljeno je glasanje.

Većinom glasova „Protiv“, i 9 glasova „Za“, amandman nije dobio potrebnu većinu.

Klub HDZ 1990. zatražio je glasanje o uloženom amandmanu na isti Zakon.

Amandman 1:

U članu 3. (Subvencionisanje najniže neto plate), stav 3. na kraju predloženog teksta iza riječi COVID 19 dodaje se, „ Pravo na subvencionisanje i na pomoć imaju i poslovni subjekti koji se bave medijskom djelatnošću, a čije je poslovanje ugroženo značajnim smanjenjem prihoda od marketinga i prodaje, a sve zbog posljedica pandemije COVID 19.

Obavljeno je glasanje.

Većinom glasova „Protiv“, i 7 glasova „Za“, amandman nije dobio potrebnu većinu.

Zastupnik Ismet Lulić zatražio je glasanje o uloženom amandmanu na isti Zakon.

Amandman 1:

Naziv Zakona se mijenja i glasi:

Zakon o ublažavanju negativnih ekonomskih posljedica izazvanih epidemijom koronavirusa (COVID 19) i podrški ekonomiji onima kojima je civilna zaštita zabranila rad, na području Hercegovačko-neretvanskog kantona.

Većinom glasova „Protiv“, i 4 glasa „Za“, amandman nije dobio potrebnu većinu.

Usljedilo je glasanje o Zakonu o ublažavanju negativnih ekonomskih posljedica izazvanih epidemijom Corona virus (Covid 19) i podrške ekonomiji na području HNK, a čiji su sastavni dio prihvaćeni amandmani od strane Vlade HNK.

Većinom glasova „Za“, uz 3 glasa „Protiv“, usvojen je Prijedlog Zakona o ublažavanju negativnih ekonomskih posljedica izazvanih epidemijom korona virusa (COVID-19) i podrški ekonomiji na području HNK uz prihvaćene amandmane od Vlade HNK.

Usljedilo je glasanje po zaključcima.

Nevenko Herceg, premijer Vlade HNK predložio je ispred Vlade HNK slijedeći zaključak:

„Vlada HNŽ-a će tijekom implementacije ovog zakona razmotriti sve primjedbe, prijedloge i sugestije iz rasprave i ne usvojenih amandmana i po potrebi u roku od 90 dana dostaviti izmjene i dopune Zakona Skupštini na razmatranje i usvajanje“. Zaključak stupa na snagu danom donošenja a objavit će se u „Službenim novinama HNK“.

Obavljeno je glasanje o navedenom Zaključku.

Većinom glasova „Za“, uz 3 glasa „Protiv“, i 2 „Suzdržana“ glasa, Zaključak je dobio potrebnu većinu.

Zastupnik Amir Šelo predložio je slijedeći zaključak:

„Pozivaju se opštine i gradovi u HNK-a da se uključe u pomoć poslovnim subjektima kojima je zabranjen rad ili koji su imali otežano poslovanje zbog situacije izazvane epidemijom Corona virusa (Covid 19). Zaključak stupa na snagu danom donošenja, a objavit će se u „Službenim novinama HNK-a“.

Obavljeno je glasovanje o navedenom zaključku.

Nakon glasanja konstatovano je da je Zaključak jednoglasno usvojen.

Klub HDZ 1990 predložio je slijedeći zaključak:

1. Skupština nalaže Vladi HNŽ da na službenoj web stranici objavi sve gospodarske subjekte koji temeljem odredbi Zakona podnesu zahtjev za financijsku potporu.

2. Nalaže se Vladi HNŽ da nakon svih provedenih procedura objavi popis gospodarskih subjekata sa ukupnim iznosom novčanih potpora koje su temeljem ovog zakona dobili iz proračuna HNK.

3. Zaključak stupa na snagu danom donošenja i objavit će se u Službenim novinama HNŽ.

Obavljeno je glasovanje o navedenom zaključku.

Većinom glasova „Za“, uz 3 „Suzdržana“ glasa, Zaključak je dobio potrebnu većinu.

Predsjedavajući Skupštine HNK Šerif Špago predložio je slijedeći zaključak:

Zadužuje se Vlada HNK da u roku od 15 dana Skupštini HNK dostavi izvještaj o radu štaba Civilne zaštite u periodu od 17.03.2020. do 22.05.2020. godine. Zaključak stupa na snagu danom donošenja i objavit će se u Službenim novinama HNK.

Obavljeno je glasovanje o navedenom zaključku.

Nakon glasanja konstatovano je da je Zaključak je jednoglasno usvojen.

Zamjenik predsjedavajućeg Skupštine Tomislav Martinović predložio je slijedeći zaključak:

1. „Skupština HNŽ/K izražava zahvalnost svima koji su bili uključeni u borbu protiv pandemije koju je izazvala Corona virus Covid 19.“ Svi su ovdje obuhvaćeni.“

2. „Posebnu zahvalu za predanost i hrabrost upućujemo liječnicima i svom medicinskom osoblju u bolnicama i domovima zdravlja u županiji/kantonu, policiji i osoblju MUP-a HNŽ/K, osoblju Civilne zaštite, Crvenog križa i osoblju drugih humanitarnih organizacija.“

3. Zahvaljujemo se medijima koji su osigurali pravodobne informacije, vozačima transporta, trgovcima i ljekarnicima, koji su osigurali opskrbu hranom i lijekovima te osoblju komunalnih i vodovodnih poduzeća.“

4. „Skupština se zahvaljuje svim stanovnicima HNŽ/K koji su strpljivošću i poštivanjem epidemioloških mjera dali svoj doprinos zaustavljanju pandemije.“

Obavljeno je glasovanje o navedenom zaključku.

Većinom glasova „Za“, uz 1 „Suzdržan“ glas, Zaključak je dobio potrebnu većinu.

Predsjedavajući je zaključio rad po V. vanrednoj sjednici Skupštine.

Sjednica je završena u 19:30 sati.

Zapisničar
Dario Topić

Predsjedavajući
Šerif Špago